

## გამოყენებითი კვლევებისათვის სახელმწიფო სამეცნიერო გრანტების 2022 წლის კონკურსი

### ხშირად დასმული კითხვები

- 1. დანერგვითი კვლევების პროგრამის წარდგენის შემთხვევაში სავალდებულოა თუ არა წარმოდგენილი პატენტი იყოს ძალაში?**

პასუხი: კონკურსის პირობებით, დანერგვითი კვლევის იდეა უნდა ეფუძნებოდეს საქართველოში ან/და უცხოეთში გაცემულ პატენტს, რომელიც ძალაში იქნება კონკურსის გამოცხადების დღიდან მინიმუმ 2 წლის ვადით.

- 2. საპილოტე კვლევების პროგრამის წარდგენის შემთხვევაში სავალდებულოა თუ არა წარმოდგენილი პატენტი იყოს ძალაში?**

პასუხი: კონკურსის პირობებით, პილოტირების კვლევითი იდეა უნდა ეფუძნებოდეს საქართველოში ან/და უცხოეთში გაცემულ პატენტს, რომელიც ძალაში იქნება კონკურსის გამოცხადების დღიდან მინიმუმ 2 წლის ვადით.

- 3. კონცეფციის დამტკიცების შემთხვევაში შეიძლება თუ არა, რომ პროექტი წარადგინოს ორმა კვლევითმა ორგანიზაციამ?**

პასუხი: არ შეიძლება. კონცეფციის დამტკიცების კვლევითი პროექტისათვის პროექტში მონაწილეობა და გრანტის მიღება შეუძლია ძირითად პერსონალს-მკვლევართა გუნდს წამყვან ორგანიზაციასთან ერთად.

- 4. რა შეზღუდვები არსებობს პროექტის ძირითადი პერსონალის სხვა პროექტში ჩართულობასთან დაკავშირებით?**

პასუხი: კონკურსში მონაწილეობის უფლება ძირითადი პერსონალის სტატუსით არ აქვს პირს, რომელიც ძირითადი პერსონალის სტატუსით ჩართულია ფონდის მიერ გამოცხადებული და ადმინისტრირებული სამეცნიერო-კვლევითი კონკურსის (ფუნდამენტური კვლევებისათვის სახელმწიფო-სამეცნიერო გრანტების (FR); გამოყენებითი კვლევების სახელმწიფო სამეცნიერო გრანტების (AR); საზღვარგარეთ არსებული ქართული მატერიალური და სულიერი მემკვიდრეობის სამეცნიერო კვლევებისათვის სახელმწიფო საგრანტო კონკურსი (HE); ახალგაზდა მეცნიერთა კვლევების საგრანტო კონკურსი (YS); შოთა რუსთაველის ეროვნული

სამეცნიერო ფონდისა და უკრაინის მეცნიერებისა და ტექნოლოგიების ცენტრის საგრანტო კონკურსი (STCU); სსიპ- შოთა რუსთაველის საქართველოს ეროვნული სამეცნიერო ფონდისა და იტალიის კვლევების ეროვნული საბჭოს (CNR) ერთობლივი სამეცნიერო საგრანტო კონკურსის მხოლოდ სამეცნიერო კვლევითი პროექტები; უცხოელ თანამემამულეთა მონაწილეობით კვლევების საგრანტო კონკურსი (DI); კავკასიოლოგიის მიმართულებით სამეცნიერო კვლევითი პროექტების ხელშეწყობისა და საერთაშორისო სამეცნიერო ღონისძიებების საგრანტო კონკურსი (CS) პირველი ლოტი; გამოყენებითი კვლევების საგრანტო პროგრამის კონკურსი (CARYS); საქართველოს ოკუპირებული ტერიტორიების შემსწავლელი სამეცნიერო კვლევითი პროექტების ხელშეწყობისა და საერთაშორისო ღონისძიებების საგრანტო კონკურსი (OTG) პირველი ლოტი; საქართველოს საზღვრისპირა რეგიონების შემსწავლელი სამეცნიერო კვლევითი პროექტების ხელშეწყობისა და საერთაშორისო სამეცნიერო ღონისძიებების საგრანტო კონკურსი (BRG) პირველი ლოტი) შედეგად დაფინანსებულ, ჯამში ორზე მეტ პროექტში. ეს პირობა გულისხმობს, როგორც კონკურსში წარდგენილ, ასევე უკვე დაფინანსებულ მიმდინარე პროექტებში ჩართულობას.

##### **5. რა შეზღუდვები არსებობს პროექტის სამეცნიერო ხელმძღვანელის სხვა პროექტში ჩართულობასთან დაკავშირებით?**

პასუხი: კონკურსში მონაწილეობის უფლება პროექტის სამეცნიერო ხელმძღვანელის სტატუსით არ აქვს პირს, რომელიც ძირითადი პერსონალის სტატუსით ჩართულია ფონდის მიერ გამოცხადებული და ადმინისტრირებული სამეცნიერო-კვლევითი კონკურსის (ფუნდამენტური კვლევებისათვის სახელმწიფო-სამეცნიერო გრანტების (FR); გამოყენებითი კვლევების სახელმწიფო სამეცნიერო გრანტების (AR); საზღვარგარეთ არსებული ქართული მატერიალური და სულიერი მემკვიდრეობის სამეცნიერო კვლევებისათვის სახელმწიფო საგრანტო კონკურსი (HE); ახალგაზდა მეცნიერთა კვლევების საგრანტო კონკურსი (YS); შოთა რუსთაველის ეროვნული სამეცნიერო ფონდისა და უკრაინის მეცნიერებისა და ტექნოლოგიების ცენტრის საგრანტო კონკურსი (STCU); სსიპ- შოთა რუსთაველის საქართველოს ეროვნული სამეცნიერო ფონდისა და იტალიის კვლევების ეროვნული საბჭოს (CNR) ერთობლივი სამეცნიერო საგრანტო კონკურსის მხოლოდ სამეცნიერო კვლევითი პროექტები; უცხოელ თანამემამულეთა მონაწილეობით კვლევების საგრანტო კონკურსი (DI); კავკასიოლოგიის მიმართულებით სამეცნიერო კვლევითი პროექტების ხელშეწყობისა და

საერთაშორისო სამეცნიერო ღონისძიებების საგრანტო კონკურსი (CS) პირველი ლოტი; გამოყენებითი კვლევების საგრანტო პროგრამის კონკურსი (CARYS); საქართველოს ოკუპირებული ტერიტორიების შემსწავლელი სამეცნიერო კვლევითი პროექტების ხელშეწყობისა და საერთაშორისო ღონისძიებების საგრანტო კონკურსი (OTG) პირველი ლოტი; საქართველოს საზღვრისპირა რეგიონების შემსწავლელი სამეცნიერო კვლევითი პროექტების ხელშეწყობისა და საერთაშორისო სამეცნიერო ღონისძიებების საგრანტო კონკურსი (BRG) პირველი ლოტი) შედეგად დაფინანსებულ ერთზე მეტ სამეცნიერო კვლევით პროექტში. ეს პირობა გულისხმობს როგორც კონკურსში წარდგენილ, ასევე უკვე დაფინანსებულ მიმდინარე პროექტებში ჩართულობას.

#### **6. სავალდებულოა თუ არა პროექტს ჰყავდეს თანახელმძღვანელი?**

პასუხი: თანახელმძღვანელის ჩართვა პროექტში სავალდებულოა კონსორციუმის შემთხვევაში. თანახელმძღვანელი უნდა იყოს ფიზიკური პირი ძირითადი პერსონალიდან, რომელიც არის პარტნიორი ორგანიზაციის წარმომადგენელი.

#### **7. სავალდებულოა თუ არა პროექტს ჰყავდეს კოორდინატორი?**

პასუხი: კოორდინატორის ჩართვა პროექტში სავალდებულოა კონსორციუმის შემთხვევაში. კოორდინატორი უნდა იყოს საქართველოს მოქალაქე ძირითადი პერსონალიდან.

#### **8. სავალდებულოა თუ არა უცხო ქვეყნის მოქალაქის რეგისტრაცია GMUS-ში?**

პასუხი: სავალდებულოა პროექტში ძირითადი პერსონალის სტატუსით ჩართული პირების ინდივიდუალური რეგისტრაცია GMUS-ში „მეცნიერის პროფილის“ შექმნა. პროექტში ძირითადი პერსონალის სტატუსით ჩართული საქართველოს მოქალაქეების „მეცნიერის პროფილი“ შევსებული უნდა იყოს ქართულ და ინგლისურ ენებზე, ხოლო პროექტში ძირითადი პერსონალის სტატუსით ჩართული უცხო ქვეყნის მოქალაქეების „მეცნიერის პროფილი“ - ინგლისურ ენაზე.

#### **9. სავალდებულოა თუ არა, რომ უცხო ქვეყნის მოქალაქე ძირითადი პერსონალის დიპლომს თან ახლდეს მისი ნამდვილობის დამადასტურებელი დოკუმენტი?**

პასუხი: უცხო ქვეყნის მოქალაქე ძირითადი პერსონალის აკადემიური ხარისხის დამადასტურებელ დოკუმენტს უნდა ახლდეს მისი ნამდვილობის დამადასტურებელი

დოკუმენტი ან/და აკადემიური ხარისხი უნდა დასტურდებოდეს იმ ინსტიტუციის ოფიციალური ვებგვერდით/ცნობით, რომელშიც ის მოღვაწეობს.

**10. პროექტში ჩართული მხოლოდ წამყვანი და თანამონაწილე ორგანიზაცია ჩათვლება თუ არა კონსორციუმად?**

პასუხი: კონკურსის პირობებით, კონსორციუმი არის ორი ან მეტი იურიდიული პირისაგან შემდგარი გაერთიანება, რომლის შემადგენლობაში შედის წამყვანი და პარტნიორი ორგანიზაციები. კონსორციუმში შეიძლება ასევე შედიოდეს თანამონაწილე ორგანიზაცია.

**11. შეუძლია თუ არა ფიზიკურ პირს ნატურალური ფორმით თანადაფინანსება ?**

პასუხი: არ შეუძლია, კონკურსის პირობებით, ნატურალური ფორმით თანადაფინანსება შესაძლებელია მხოლოდ იურიდიული პირის მიერ.

**12. რა ფორმით გამოიხატება ნატურალური ფორმით მხარდაჭერა?**

პასუხი: ნატურალური ფორმით მხარდაჭერა შეიძლება მოიცავდეს: ფინანსური აქტივების გადაცემას/ დათმობას, მათ შორის, ძვირადღირებული კვლევითი დანადგარების, აპარატურის ან/და აღჭურვილობის შეძენას ან შეძენისათვის საჭირო საბანკო ვალდებულებების უზრუნველყოფას ან/და დამატებითი პერსონალის დაქირავებას.

**13. რა შეზღუდვები არსებობს ძირითადი პერსონალის საგრანტო დაფინანსებისა და დამხმარე პერსონალის ანაზღაურებასთან მიმართებით?**

პასუხი: ფონდიდან მოთხოვნილი ძირითადი პერსონალის საგრანტო დაფინანსებისა და დამხმარე პერსონალის ანაზღაურების ჯამური ოდენობა არ უნდა აღემატებოდეს ფონდიდან მოთხოვნილი თანხის 50%-ს.

**14. რა მოთხოვნებია გათვალისწინებული ბიუჯეტში ახალგაზრდა მეცნიერთან დაკავშირებით?**

პასუხი: ახალგაზრდა მეცნიერთან დაკავშირებით პროექტის ბიუჯეტში არ არის რამე სახის ფინანსური მოთხოვნა.

**15. შესაძლებელია თუ არა, რომ ძირითადი პერსონალის უცხოელმა წევრმა ელექტრონულად მოაწეროს ხელი კანცელარიაში მოსატან განცხადებას?**

პასუხი: არ შეიძლება, კანცელარიაში წარმოდგენილი განცხადება დამოწმებული უნდა იყოს შესაბამისი სველი ხელმოწერებითა და ბეჭდით (ასეთის არსებობის შემთხვევაში). განცხადებაზე უცხოეთის მოქალაქე ძირითადი პერსონალის ხელმოწერის არქონის შემთხვევაში საჭიროა, განცხადებას თან ერთვოდეს აღნიშნული პირის თანხმობის წერილი, ხელმოწერილი ორიგინალი და მისი ქართული თარგმანი თარჯიმანთა ბიუროს მიერ დამოწმებული. თანხმობის წერილით უნდა დასტურდებოდეს, რომ იგი გაეცნო კონკურსის პირობებს და თანახმაა კონკურსში მონაწილეობაზე.

**16. როგორ უნდა აისახოს GMUS-ში პარტნიორი ორგანიზაციის თანადაფინანსება?**

პასუხი: GMUS-ში ორგანიზაციის ველში „დამატებითი თანადაფინანსების“ ველში უნდა მოხდეს პარტნიორი ორგანიზაციისგან მიღებული თანადაფინანსების შესახებ ინფორმაციის დამატება, რის შემდეგაც ბიუჯეტის ველში შეძლებთ თანადაფინანსების თანხების ასახვას.

**17. როგორ უნდა აისახოს პროექტის ბიუჯეტში უცხოელი კონსულტანტის შრომის ანაზღაურება?**

პასუხი: კონკურსი არ ითვალისწინებს პროექტში უცხოელი კონსულტანტის ჩართვას და მისი შრომის ანაზღაურებას